



Inatsisartuni ilaasortaq  
Mala Høy Kuko, Atassut  
/Maani

## **Biologit qilalukkanik qernertanik misissuinissaat pillugu § 37 naapertorlugu apeqquteqaammut akissuteqaat**

Asasara Mala Høy Kúko

20. december 2016-imi biologit qilalukkanik qernertanik misissuinissaat pillugu Naalakkersuisunut apeqquteqaateqarputit. Apeqquteqaatit uannut akissassanngorlugit innersuunneqarput. Pinngortitaleriffik akissuteqaammut ilassuteqarpoq..

### **Apeqqut 1**

#### **Ittoqqortoormiini qilalukkanik meqqilersuineq qanga aallartippa?**

Tunumi qilalukkanik qernertanik nalunaaqtsersuineq 1990-imi Inglefield Bredning-imi aallartinneqarpoq, 1993-imi Melville Bugten-imi, 2007-imi Uummannami, 2010-mi Ittoqqortoormiit kangerluanni aamma 2016-imi Kangerlussuarmi ingerlanneqarluni.

### **Apeqqut 2**

#### **Qilalukkat meqqilersorneqartut qanoq paasissutissiippat? Sumut iluaqutaappat? Kikkut iluaqutigissavaat?**

Qilalukkanik qernertanik nalunaaqtsersuineq ilaatigut qilalukkat qernertat ingerlaarfiinut pissusilersornerinullu ilisimasassanut pingaarutilinnut iluaqutigineqarpoq. Nalunaaqtsersuinerup inernerit pillugit ilisimatusarnikkut allaaserisat ikinnerpaamik 20-t suliarineqarput, akissuteqaammilu matumani ukiuni 25-ni ilisimatusarnerup inernerinik issuaanissaq ajornarpoq. Misissuinerit inernerit nunani Imarpiup avannaaniittuni imaani uumasut miluumasut pillugit siunnersuisarfiup (NAMMCO) aamma qilalukkanut qernertanut qaqortanullu ataatsimiititaliap ataatsimoortup (JCNB) Namminersorlutik Oqartussanut uumasut pillugit siunnersuisarneranni toqqaannartumik atorpeqartarput. Misissuinerit inernerit aamma uuliamik ujarlernerup qilalukkanut qernertanut sunniutigisinnaasai pillugit Naalakkersuisunut siunnersuinermit atorpeqartarput.

### **Apeqqut 3**

#### **Qilalukkat suna ingerlaarfigivaat? Qaqugukkut piffissami sumiittarpat?**

Matumani aamma apeqqut annertuujuvoq, Kisiannili Ittoqqortoormiit kangerluanni qilalukkanut qernertanut tunngatillugu allaaserisag ilanngunneqartoq innersuunneqarpoq.

Brev dato:

03-01-2017

Sagsnr.

2016 - 19843

Akt. nr.

4233077

Postboks 1614

3900 Nuuk

Tlf. (+299) 34 50 00

Fax (+299) 34 54 10

E-mail: [npann@nanoq.gl](mailto:npann@nanoq.gl)

[www.naalakkersuisut.gl](http://www.naalakkersuisut.gl)

#### **Apeqquut 4**

**Ittoqqortoormiit kangerluanni suut qilalukkat nerisarivaat? Aalisakkat sorliit?**

Saarullit, ammassaat amikullu.

#### **Apeqquut 5**

**Ittoqqortoormiit avannaani misissuisoqarniarpa qilalugaqarnersoq?**

Ittoqqortoormiit kangerluata avannaani qernertanik qilalugaqarpoq, tassanilu 2017-imi timmisartumiit kisitsinerit marluk, uumasooqatigiinnut taakkununnga paasissutissiiviusussat pilersaarutigineqarput. Tunup Avannaarsuani 2017-imi kisitsinissat Aatsitassarsiornermi Avatangiisinut Aqutsisoqarfiup uuliasiorfinnit aningaasaliissutit atorlugit akilissavai.

#### **Apeqquut 6**

**Qilalukkanik meqqilersuinermi kikkut suleqataappat? Piniartut? Qallunaat? Nunamiut allat? Ikiuuttussat suna pillugu qinerneqartarpat?**

Ilisimatusartunik qilalukkanik qernertanik kisitsinermik misilittagaqartunik peqataatitaqartoqarnissaa pingaaruteqarpoq. Tamatuma saniatigut tamatigut piniartunik misissuinerlut peqataatitaqartoqartarpoq. 2016-imi qilalukkanik qernertanik nalunaaqutsersuinermi kalaallit, danskit nunanillu allamiut peqataatinneqarput.

#### **Apeqquut 7**

**Peqataasut qanoq akilerneqartarpat?**

Ilisimatusarnermi sulisorineqartut pisortat isumaqatigiissutaat naapertorlugit akissarsiaqartinneqartarput. Piniartut sulianut peqataasussatut atorfinitsinneqartarput, imaluunniit qilalukkamut uumatillugu tiguneqartumut ataatsimut akissarsiaqartinneqartarlutik. Kisiannili piniartunut akissarsiaqartitsinermi aamma akileeriaatsit marluk kattunneqarsinnaapput.

#### **Apeqquut 8**

**Ukiuni qassini qilalukkanik misissuineq Ittoqqortoormiit kangerluanni ingerlanneqarniarpa?**

Misissuinerit ukiuni ikinnerpaamik pingasuni ingerlanneqarnissaat naatsorsuutigineqarpoq.

## **Apequt 9**

**Qaqugu misissuisut paasissutissanik tamakkiisumik saqqummiussaqaarniarpat?**

Misissuinerit ingerlaavartumik, aammalu ukiunut misissuiffiusunut tamanut nalunaarusiorneqartarput. Aatsaat paasissutissanik naammattunik katersisoqareerpat ataatsimoortumik nalunaarusiortoqartussaavoq. Misissuinerit taakkulu inernerit Pinngortitaleriffiup nittartagaani, [www.natur.gl](http://www.natur.gl), atuarneqarsinnaapput.

Inussiarnersumik inuulluaqqusillunga

Suka K. Frederiksen